



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicationem Pagina  
Indicabit

V. P. Gasparis Druzbicki, Societatis Jesu, Fasciculus Exercitiorum Et  
Considerationum, De Præcipuis Veritatibus Christianæ Fidei Et Sapientiæ -  
Ad efformationem Christianæ vitæ, consecutionem salutis æternæ  
collectus: & usui accommodatus

**Druzbicki, Kaspar**

**Ingolstadii, 1732**

**VD18 90066332**

Exerc. 3. De SS. Principatibus, Potestatibus, Dominationibus.

**urn:nbn:de:hbz:466:1-45396**

Pf. 99. 14.  
Philip. 4. 13.  
Pf. 107. 14.

nim omnia possum in eo, qui me confortat: & ipse  
ad nihilum rediget inimicos nostros.

O Spiritus potentes Virtute, ad faciendum  
Dei verbum, benedicite Deum, quia ille Domi-  
nus Virtutum est. Et Tu Domine Virtutum,  
sis benedictus in Virtutibus tuis in æternum.

### EXERCITIUM III.

De SS. Principatibus, Potestatibus, Domi-  
nationibus.

I. **S**Tatue te coram secundâ Sanctorum An-  
gelorum Hierarchiâ, quâ continentur  
Principatus, Potestates, ac Dominationes: in  
eisque dispice, quæ, & quantæ Dei perfectiones  
repræsententur.

**PRINCIPATUS**: sunt Imagines originatio-  
nis Divinæ: quâ Deus est Principium, omnis  
Entitatis, rerumque omnium origo: consequen-  
ter est omnium rerum Primus, & Princeps. Igi-  
tur Sancti Principatus seipsis repræsentant hanc  
Dei perfectionem.

Quodsi unius aut alterius rei miramur prin-  
cipia; scrutamurque avidissimè causas primas;  
quàm erit admirabile, tot Principatus, tot Prin-  
cipes, tot principationes videre: è quibus sin-  
gulis, omnibusque, ille Dei principatus, unus  
quidem, ac idem, sed alio, atque alio modo re-  
præsentatur, ita ut omnium sit natura, & cona-  
tus, ostendere seipso, Deum esse Principium, &  
Principem rerum omnium: Alpha & Omega:  
idque alio, & alio quodam ostendendi modo.  
Quæ res est omnino admirationis ineffabilis:  
sicuti etiam illa ratio, quâ Deus est omnium re-  
rum



rum Principium, est omnino inexhausta, & nullatenus explicanda: nullatenus à tot licet Principatibus plenè repræsenteda.

Si unum aliquod rei cuiuspiam Principium nosse, tam magnum, & ambitiosum est apud homines, etiam sapientes; ut hæc cognitio ad Sapientiam potissimum pertinere putetur: quantum erit tot Principia, tot Principatûs, tot Principandi rationes, quibus unus, idemque Deus, dat rebus omnibus esse, & vires, & indolem omnem, & principium omnium est, videre, penetrare, cum eisdemque versari?

Disce in Vitâ tuâ, & in actionibus tuis, non humi reperere, sed per Principia, primasque Virtutes gubernari, in iis conquiescere, & assuefac te Adatorio, & Latreuticò cultui Dei tui, qui illi à te, & ab omni Creaturâ, hoc uno maxime nomine debetur, quia est Principium omnium, & dat omnibus Esse, & Vitam: & dat ille solus, ille unus, dat continuè, & constanter, & nemo alius, & non impropertat: ideoque est Summus Princeps, absolutus Dominus, supremus Dominator: & illi debet flecti omne genu, illi debet subijci omnis Creatura, in omnibus. & semper: etiam si, & omnia, & Vitam, & Esse totum, ejus Voluntati, Gloriæ, amori; subjectioni impendi debeat. Hic enim est unus, & summus honor Creaturæ, impendi cum toto suo Esse, Creatori Deo, ejusque Voluntati, & Cultui, atque Honori.

O Princeps Principatuum Domine Deus: sis benedictus in Principatibus tuis in æternum: & fac nos ad Te originem, Principiumque nostrum, redire: & in Te manere immobiliter, teque venerari, & adorare, infatigabiliter, ac incessabiliter,

DRUX  
SICKI  
r: 1301  
m II  
V  
7



liter, toto nostro, quantum quantum sumus; (totum enim à te, & ex Te sumus,) esse in aeternum.

POTESTATES: sunt Imagines omnipotentiae Dei ad omnia, non solum facta, aut futura, sed etiam possibilia sese extendentis. Potestates ergo Sanctae, suo Esse repraesentant Deum omnia posse, non tantum quae facta, aut futura sunt, sed etiam quae nunquam fient, possibilia tamen sunt.

Si tam jucundum est spectare factas res naturales, & materiales, in eo numero, pondere, varietate, nexu, ordine, mensurâ, propagatione, operatione; quae utique sunt veluti faeces, & sedimenta creaturarum nobiliorum, faeculentiaque, & sentina magni hujus Dolii, id est Mundi; quae in hoc ejus fundo subsedit; in centro nimirum Terrae; suntque minima portio rerum possibilem; Quid erit spectare vivas, defaecatas, purissimasque Potestates, seu Imagines Potentiae Dei, etiam ad Possibilia terminatae; seu (si eas condere placeret) terminatae; & in eis etiam quodammodo spectare ipsas res posibles, earumque varietatem, & opulentiam infinitam? Infinitos nimirum Mundos, sive huic nostro similes, sive etiam planè ab hoc diversos & dissimiles: Infinitos Caelos, Soles, Stellae, infinita numero Maria, infinitas terras, & terrae opes: & incolas sive rationales, sive rationis egenas. Quae omnia condere, tam est, imò magis est in potestate Dei, quam est nobis de earum possibilitate cogitare.

Quodsi Divina Potestas, in hisce Spiritibus tanta elucet; quanta ergo erit illa in semetipsa: cujus unicum vix granum, repraesentant omnes  
hujus

G:  
ope  
TO  
N  
5

hujus  
finitae  
S  
Dei  
quae  
ad D  
Deo  
manu  
inept  
magi  
vina,  
per t  
si tua  
tia, n  
C  
fis be  
tibus  
I  
Don  
frag  
quo  
Imò  
esser  
con  
Don  
mar  
ergo  
roi  
dan  
cer  
mir  
tot  
ner



hujus Ordinis Spiritûs, sed adhuc supersunt infinitæ omnipotentiaë abyssî irrepræsentatæ.

Stude tu quoque, Potentiam Potestatemque Dei repræsentare: & quidem tuâ infirmitate: quæ quantò est major in te, tantò aptior est ad Dei potentiam ostendendam: modò illam Deo subjicias quàm plenissimâ resignatione, in manus Potentiæ ejus. Nam quantò tu infirmus, ineptus, despicibilis, erroneus, cæcus, malus, magis es; tantò plus campi habet Potestas Divina, ad sese in te, & per te, ostentandam, si quid per te efficere dignata fuerit: dignabitur autem; si tua superbia, diffidentia, infidelitas, negligentia, non impedierit.

O DEUS, qui Potestatum habes Potestatem: sis benedictus in Potestatibus tuis, & in infirmitatibus nostris in æternùm.

DOMINATIONES: sunt Imagines absoluti Domini Dei, eminentis, alti, independentis, irrefragabilis, ac irresistibilis, seu cui nemo resistere, quodque nemo exuere, aut excutere potest: Imò, quo est omnium Dominus naturaliter, & essentialiter. Itaque Deus, tanquam Dominus condidit sibi Dominationes: quæ Deum esse Dominatorem, absolutumque Dominum clamant, non voce, sed entitate, ac esse: clamant ergo, tot diversis modis, quot ipsi Spiritûs numero in hoc ordine sunt.

Quod si unius Domini, hujus Mundi, formidanda est Dominatio; quis stupor, & quàm facer est ille horror, augustaque majestas, tot Dominos, imò tot Dominationes videre: spectare tot modis unam eandemque Dei Dominationem, per singulos, aliter tamen à singulis, repræsen-

DRUX  
SICKI  
r: 1301  
II  
V  
7



sentatam? Dominationem verò non unius terræ anguli, non ita limitatam, ut hîc videmus, sed totius rerum, etiam possibilium, universitatis, eamque absolutam, illimitatam, omnimodam.

Et quamvis in horum Spirituum singulis tantopere elucet Dominium Dei, in omnibus tamen vix minutissima portio ejus, prout in se est elucet: sed infinitum adhuc superest, ad quod Spiritus illi demonstrandum non pertingunt, neque pertingerent unquam, licet infinities plures, pluresque ad eam demonstrandam conderentur. Et audent tamen (prò audaciam!) despiciatissimi vermiculi, Dæmones atque Homines, in Deum omnis Domini Dominum, usque adeo impotenter, & impudenter irruere!

Potes & tu Dominationis Divinæ esse Imago: si nulli rei creatæ, metu, vel spe, vel amore, subfis: si tu tibi dominaris. Deo autem subjiciaris: si omnia tua sint: & tu in nullius, præterquam Dei, & propter Deum, redigaris potestatem: si omnia cooperentur tibi in bonum: hoc est, in glorificationem, & subjectionem Dei: Si Deus tibi sit solus, & omnia: omnia autem in omnibus: & in ipso Deo nihil timeas, nisi hoc, ne illum minus, quàm par est, vel timeas, vel diligas. Tunc verè similis Dominationibus, imò & unus ex Dominationibus eris.

O Dominationum Rex, & Dominator Deus, sis benedictus in tuis, & à tuis Dominationibus in æternum.

EXER.